



REPUBLIKA E SHQIPËRISË

**KONTROLLI I LARTË I SHTETIT  
KRYETARI**

Adresa: Rruga "Abdi Toptani" Nr. 1;

E-mail: klsh.org.al; web-site: www.klsh.org.al

**V E N D I M**

**Nr. 101 Datë 31.07.2018**

**PËR  
AUDITIMIN E USHTRUAR  
NË DREJTORINË RAJONALE TË ALUIZNI-t QARKU KUKËS, MBI "AUDITIMIN  
FINANCIAR DHE PËRPUTHSHMËRINË".**

Nga auditimi i ushtruar në Drejtorinë Rajonale Të ALUIZNI-t Qarku Kukës, me objekt "Auditim financiar dhe përputhshmëri", për periudhën nga 01.01.2015, deri 30.04.2018, mbi saktësinë, vërtetësinë dhe besueshmërinë e ndërtimit të pasqyrave financiare, shkallës së zbatueshmërisë nga subjekti, të rregullave, ligjeve dhe rregulloreve, u konstatuan devijime/shkelje nga kuadri ligjor dhe rregullator në fuqi, të rëndësisë jo materiale për të cilën japim opinion të pakualifikuar. Pasi u njoha me Raportin Përfundimtar të Auditimit dhe Projektvendimin e paraqitur nga Grupi i Auditimit të Departamentit të Auditimit të Aseteve dhe Mjedisit, shpjegimet e dhëna nga subjekti i audituar, si dhe vlerësimet mbi objektivitetin dhe cilësinë e auditimit nga Drejtori i Departamentit të mësipërm, Drejtori i Departamentit Juridik dhe Kontrollit të Zbatimit të Standardeve dhe Drejtori i Përgjithshëm, në mbështetje të neneve 10, 15, 25 dhe 30, të ligjit nr.154/2014, miratuar në datën 27.11.2014 "Për Organizimin dhe Funkcionimin e Kontrollit të Lartë të Shtetit",

**V E N D O S A:**

- I.** Të miratoj Raportin Përfundimtar të Auditimit "Mbi auditimin financiar dhe përputhshmërinë", të ushtruar në Drejtorinë Rajonale Të ALUIZNI-t Qarku Kukës sipas programit të auditimit nr. 543/1, dt. 07.05.2018, ndryshuar me nr. 695, datë 07.06.2018 për veprimtarinë nga data 01.01.2015, deri në datë 30.04.2018
- II.** Të miratoj rekomandimet për përmirësimin e gjendjes dhe të kërkoj marrjen e masave sa vijon;

**A. OPINIONI I AUDITUESIT:**

Ne kemi audituar veprimtarinë e Drejtorisë Rajonale të ALUIZNI-t Qarku Kukës në mbështetje të ligjit nr. 154/2014, miratuar në datën 27.11.2014 “Për Organizimin dhe Funkcionimin e Kontrollit të Lartë të Shtetit” dhe (ISSAI 1700, dhe 4200<sup>1</sup>) për të cilën do të japim opinion:

Audituesit e KLSH-së nëpërmjet auditimit të realizuar në Drejtorisë Rajonale të ALUIZNI-t Qarku Kukës krijuan bindjet, të cilat do të shprehen në opinionin e grupit të auditimit mbi saktësinë, vërtetësinë dhe besueshmërinë e ndërtimit të pasqyrave financiare, Raportimit Financiar (*kriteret e auditimit financiar*) dhe shkallës së zbatueshmërisë nga subjekti, të rregullave, ligjeve dhe rregulloreve, politikave, kodeve të vendosura apo termave dhe kushteve, mbi të cilat është rënë dakord (*kriteret e auditimit të përputhshmërisë*), ku u evidentuan devijime nga kuadri ligjor dhe rregullator në fuqi (*kriteret*), që nën gjykimin profesional të audituesit të pavarur nuk janë materiale, të cilat konsistojnë si më poshtë:

Drejtoria Rajonale e ALUIZNI-t Qarku Kukës në marrjen e vendimeve “Për kualifikimin për legalizim të objektit informal”, ka vepruar në kundërshtim me ligjin nr. 9482, datë 03.04.2006, nenin 27 “Dokumentacioni tekniko-ligjor për legalizimin e objektit”, pika “ç” –“vërtetimin për likuidimin e taksës së ndikimit në infrastrukturë për të gjitha rastet, kur subjekti nuk përjashtohet nga pagesa e taksës sipas këtij ligji dhe legjislacionit në fuqi”, si dhe me VKM nr. 411, datë 19.05.2010 i ndryshuar “Për kriteret procedurat dhe tipin e formularit të lejes së legalizimit” -Kreu I, pikën 1,c ku përcaktohet –“ c) për objektin/shtesën pa leje në ndërtime me leje është plotësuar dokumentacioni tekniko-ligjor, i parashikuar në nenet 27 e 37 të ligjit nr. 9482, datë 3.4.2006, të ndryshuar. Në kualifikimin e objekteve informale, ka dërguar pranë Bashkive të Qarkut Kukës, vetëm shkresën për llogaritjen e pagesës së taksës së ndikimit në infrastrukturë, pa marrë konfirmim mbi pagesën e saj për dalje me vendim kualifikimi, duke krijuar një mungesë të ardhurash në buxhetin e shtetit në vlerën 29,919,892 lekë.

#### **Opinion:**

*Nga auditimi i përputhshmërisë dhe rregullshmërisë mbështetur në Standardet Ndërkombëtare të Auditimit, Rregulloren e Procedurave të Auditimit të KLSH dhe në Manualet e Auditimit të Përputhshmërisë, i kryer në subjektin Drejtoria Rajonale të ALUIZNI-t Qarku Kukës nuk u konstatuan devijime/shkelje nga kuadri ligjor dhe rregullator në fuqi, të rëndësisë materiale për të cilën japim **opinion të pakualifikuar.***

Ne kemi audituar pasqyrat financiare të Drejtorisë Rajonale të ALUIZNI-t Qarku Kukës për vitin ushtrimor përfunduar më 31.12.2017 të cilat përfshijnë pasqyrat e pozicionit financiar, pasqyra e performancës, pasqyra e ndryshimeve në kapital, pasqyra e fluksit të mjeteve monetare dhe shënimet shpjeguese që shoqërojnë këto pasqyra.

Opinionin e dhënë e mbështesim në konstatimet se; pozicioni financiar, performanca, ndryshimet në kapital, flukset e mjeteve monetare janë përfshirë në deklaratat financiare. Janë marrë evidenca të mjaftueshme që të mund të japim një opinion. Deklaratat financiare janë paraqitur sipas ligjit të kontabilitetit, SNK dhe SKK të përmirësuara. dhe udhëzimeve të Ministrisë së Financave.

*“Sipas mendimit tonë, pasi kemi marrë dëshmi të mjaftueshme dhe të përshtatshme të auditimit, mbështetur në standartet ISSAI 1700<sup>2</sup> shprehim një **opinion të pakualifikuar.***

*Sipas opinionit të KLSH-së, mbështetur në Standardet Ndërkombëtare të Auditimit (SNA), pasqyrat financiare paraqesin në të gjitha aspektet materiale, në mënyrë të drejtë pozicionin financiar të Drejtorisë Rajonale të ALUIZNI-t qarku Kukës më datën 31 dhjetor 2017 performancën e saj financiare dhe flukset e parasë për vitin e mbyllur në këtë datë, në përputhje me Standardet Kombëtare të Kontabilitetit të përmirësuara, në Shqipëri.*

#### **B. MASA ORGANIZATIVE:**

<sup>1</sup>ISSAI 4200 - Objektivi i audituesve në një auditim përputhshmërie është të japë siguri të arsyeshme nëse informacioni i mbledhur sa i takon një çështjeje të veçantë është në përputhje, në të gjitha aspektet materiale, me kuadrin ligjor dhe rregullator në fuqi, kur auditimi behet lidhur me auditimin e pasqyrave financiare

<sup>2</sup> Objektivi i audituesit është të formulojë një opinion mbi besueshmërinë e llogarive vjetore dhe llogarive bazuar në një vlerësim të përfundimeve të hartuara nga evidencat e marra të auditimit dhe të shprehë qartë opinionin nëpërmjet një raporti të shkruar që shpjegon bazat e opinionit.

**1. Gjetje nga auditimi:** Drejtoria Rajonale e ALUIZNI-t Qarkut Kukës nuk ka bërë analizë për vlerësimin e llogarive të arkëtueshme dhe për vjetërsinë e tyre dhe nuk ka politika të shkruara rreth procedurave për njohjen e provizioneve. Mungesa e analizave të duhura rreth të arkëtueshmeve dhe politikave të duhura rreth procedurave për njohjen e provizioneve ndikon në besueshmërinë e vlerës së tyre. Gjithashtu për vlerat mbi një vit drejtimi nuk ka bërë zhvlerësimin për këto llogari të arkëtueshme.

**1.1. Rekomandimi:** Drejtuesit e Drejtorisë Rajonale e ALUIZNI-t Qarku Kukës duhet të sigurojë inicimin e një procesi rivlerësimi, ku të gjitha llogaritë e arkëtueshme do të analizohen në kuptimin e vjetërsisë dhe mundësive reale për arkëtimin e tyre, si dhe të propozojë masa konkrete, duke mos e përjashtuar masat administrative dhe të tjera nëse është e nevojshme.

- Nga njësitë Drejtuese të Drejtoria Rajonale e ALUIZNI-t Qarkut Kukës të merren masat për çregjistrimi nga llogaritë e njësisë ekonomike të shumave pa shpresë arkëtimi.

*Në vijimësi*

**2. Gjetje nga auditimi:** Në Drejtorinë Rajonale e ALUIZNI-t Qarku Kukës u konstatua se për kryerjen inventarizimit fizik të aktiveve, nga komisioni i ngritur për inventarizimin fizik të aktiveve, në zbatim të pikave 73, 74 dhe pika 81 të Udhëzimit të Ministrisë së Financave nr. 30, datë 27.12.2011 “Për menaxhimin e aktiveve në njësitë e sektorit publik”, si dhe nenit 7 (Inventari i aktiveve dhe detyrimeve) të Ligjit nr. 9228, datë 29.04.2004 “Për kontabilitetin dhe pasqyrat financiare”, me ndryshimet, asgjësimi i materialeve nuk është shoqëruar me procesverbal duke përcaktuar vendin e hedhjes, grosposjes apo djegies se materialeve të shoqëruara edhe me fotografi.

**2.1. Rekomandimi:** Drejtoria Rajonale e AUINZI-t Qarku Kukës të marrë masa për kryerjen inventarizimit fizik të aktiveve, duke bërë që nga komisioni i ngritur për inventarizimin fizik të aktiveve, në zbatim të pikave 73, 74 dhe pika 81 të Udhëzimit të Ministrisë së Financave nr. 30, datë 27.12.2011 “Për menaxhimin e aktiveve në njësitë e sektorit publik”, si dhe nenit 7 (Inventari i aktiveve dhe detyrimeve) të Ligjit nr. 9228, datë 29.04.2004 “Për kontabilitetin dhe pasqyrat financiare”, me ndryshimet, asgjësimi i materialeve të shoqërohet me procesverbal duke përcaktuar vendin e hedhjes, grosposjes apo djegies se materialeve të shoqëruara edhe me fotografi.

*Menjëherë*

**3. Gjetje nga auditimi:** Në Drejtorinë Rajonale të AUINZI-t Qarku Kukës për provizionet e raportuara në pasqyrën e pozicionit financiar në vlerën 244,250 lekë e ndryshuar në vite, në shënimet shpjeguese nuk është dhënë informacioni në lidhje me përshkrimin e krijimit të tyre në çdo raportim vjetor të pasqyrave, parashikimin e shumës dhe kohës së realizimit, rivlerësimin e efektit të saj financiar në çdo datë të raportimi të pasqyrave, një tregues të pasigurive që lidhen me shumën apo kohën e ndonjë dalje dhe mundësinë e ndonjë rimbursimi

Në pasqyrat financiare të shënimeve shpjeguese nuk është deklaruar nëse ka qenë praktikisht e pamundur për të dhënë një ose më shumë prej këtyre informacioneve shpjeguese.

**3.1. Rekomandimi:** Drejtuesit Drejtorisë Rajonale të AUINZI-t Qarku Kukës të marrë masa për rivlerësimin e shumës së provizionit prej 21,000 lekë, mbetur nga llogaritë e pasqyrave të pozicionit financiar, pasi ndër vite nuk ekziston informacion në lidhje me përshkrimin, parashikimin, rivlerësimin e efektit të saj financiar në çdo periudhë raportuese.

*Në vijimësi*

**4. Gjetje nga auditimi:** Në Drejtorinë Rajonale të AUINZI-t Qarku Kukës sipas pasqyrës së aktiveve janë nxjerrë jashtë përdorimit aktive afatgjata materiale të vlerësuara për dalje jashtë përdorimi dhe asgjësimin e tyre nga komisioni i ngritur me Urdhrat Drejtuesit të ALUIZNI-t për të tre vitet e audituara “Për ngritjen e Komisionit të vlerësimit të aktiveve që propozohen të dalin jashtë përdorim” në shumën prej 796,266 lekë, proces i realizuar nga gjatë viteve 2016 për aktivet e vitit 2015, vitit 2017 për aktivet e vitit 2016, duhej të ishte reflektuar në aktivet e pasqyrave financiare të viteve përkatëse pasi ngjarja ka ndodhur para raportimit financiar. Kjo në kundërshtim me SKK 1 e përmirësuar.

**4.1. Rekomandimi:** Drejtuesit e Drejtuesit Drejtorisë Rajonale të AUINZI-t Qarku Kukës të marrë masa për reflektimin në pasqyrat financiare të periudhës raportuese të vlerës së aktiveve afatgjata materiale të vlerësuara për dalje jashtë përdorimit dhe asgjësimin e tyre nga komisionet përkatëse

si ngjarje të ndodhura para raportimit financiar pasi është një ngjarje që evidenton kushte që kanë ekzistuar në datën e mbylljes së periudhës raportuese. Gjithashtu rregullimi i shumave të njohura në pasqyrat financiare, duhet të shoqërohen, me dhënien e informacioneve përkatëse shpjeguese, për ngjarjet rregulluese pas përfundimit të periudhës raportuese.

*Në vijimësi*

**5. Gjetje nga auditimi:** Mbi provizionet: Në Drejtorinë Rajonale të AUIZNI-t Qarku Kukës:

a. Për vitin 2016 Vendim të Gjykatës së rrethit nr.449, datë 07.03.,2012 cila konfirmohet nëpërmjet Zyrës së Përmbarimit se është çështje e humbur ALUIZNI nuk ka apeluar këtë vendim nga ana e juristit T. E. veprim i cili ka sjellë pamundësinë për tu gjykuar në shkallet e tjera të gjyqësorit dhe përbën shkelje të disiplinës buxhetore. Për rrjedhojë nuk ka krijuar provizione për këto çështje gjyqësore ku në gjykimin tonë shuma e provizionit duhej të ishte në vlerën totale të detyrimit dhe si rrjedhojë rezultati i periudhës ushtrimore dhe kapitalet e veta janë mbivlerësuar për 224,250 lekë, gjithashtu edhe detyrimet janë nënvlerësuar në të njëjtën vlerë.

b. Çështje gjyqësore të hapura në vitet e kaluara me punonjës të larguar, për të cilat konfirmohet se janë çështje të humbura nuk ka krijuar provizione për çështjet gjyqësore. Gjykojmë se shuma e provizionit duhej të ishte në vlerën totale të detyrimit, si rrjedhojë rezultati i periudhës ushtrimore dhe kapitalet e veta janë mbivlerësuar, gjithashtu edhe detyrimet janë nënvlerësuar në të njëjtën vlerë. Për sa më lart është vepruar në kundërshtim me SKK 6 të përmirësuar.

**5.1. Rekomandimi:** Drejtimi i Drejtorisë Rajonale të AUIZNI-t Qarku Kukës të njohë provizionet për të gjitha vendimet gjyqësore si ngjarje detyruese të ndodhur para datës së raportimit, për të cilat është e nevojshme që ajo të krijojë një detyrim ligjor ose konstruktiv për ndërmarrjen dhe nuk ka asnjë alternativë tjetër për shmangien e këtij detyrimi, përveç shlyerjes së tij.

*Në vijimësi*

**6. Gjetje nga auditimi:** Në Drejtorinë Rajonale të AUIZNI-t Qarku Kukës në pasqyrat financiare të vitit 2015, 2016, dhe 2017 në ngjarje mbas bilancit është nuk është raportuar se “*nuk ka asnjë ngjarje pas datës së bilancit e cila kërkon rregullime apo shpjegime në këto pasqyra financiare*”.

Në zbatim të urdhrave “*Për ngritjen e Komisionit të vlerësimit të aktiveve që propozohen të dalin jashtë përdorim*”, ngjarjet e sistemit të veprimeve kontabile të mësipërme kanë ndodhur pas periudhës raportuese. Drejtoria duhet të rregullonte shumën e mësipërme në pasqyrat e saj financiare, duke përfshirë edhe dhënien e informacioneve përkatëse shpjeguese, për pasqyrimin e ngjarjes rregulluese pas përfundimit të periudhës raportuese.

**6.1. Rekomandimi:** Gjykojmë se shuma e shpenzimeve të shfrytëzimit për periudhën e audituar duhej të ishte paraqitur edhe me vlerën faktike të aktiveve të nxjerra jashtë përdorimit në vlerën për çdo vit si rrjedhojë rezultati i periudhës ushtrimore dhe kapitalet e veta janë nënvlerësuar gjithashtu edhe detyrimet janë mbivlerësuar në të njëjtën vlerë. Kjo në kundërshtim me SKK 1 e përmirësuar pasi është një ngjarje që evidenton kushte që kanë ekzistuar në datën e mbylljes së periudhës raportuese.

*Menjëherë*

**7. Gjetje nga auditimi:** Në Drejtorinë Rajonale e AUIZNI-t Qarku Kukës për aktivet afat gjata (*ndërtesa, dhe pajisje*) nuk është realizuar një evidentim i shpenzimeve të mirëmbajtjes, rikonstruksionit, amortizimit që nga momenti i marrjes në dorëzim, regjistrimit të tyre në kontabilitet, pra ato nuk janë të paraqitura me koston historike për llogari të Prefekturës e cila i ka në pronësi. Kosto historike e një aktivi ose detyrimi ka disavantazhin që jo gjithnjë paraqet vlerën e saktë të tyre krahasuar me çmimet e tregut.

**7.1. Rekomandimi:** Drejtoria Rajonale e AUIZNI-t Qarku Kukës të marrë masa që gjatë planifikimit të shpenzimeve për periudhat e ardhshme të planifikojë një zë për evidentimin e shpenzimeve të mirëmbajtjes, rikonstruksionit, amortizimit që nga momenti i marrjes në dorëzim, regjistrimit të tyre në kontabilitet. Për këto shpenzime të lidhet marrëveshje për transferimin e shpenzimeve në fund të çdo viti ushtrimor dhe pasqyrimin e tyre të aktivet e Prefekturës.

*Në vijimësi*

**8. Gjetje nga auditimi:** Në Drejtorinë Rajonale të AUIZNI-t Qarku Kukës kontrolli i brendshëm në ndërmarrje nuk ka funksionuar i plotë, mungojnë procedurat e shkruara ku të përfshihet tërë veprimtaria e njësisë ekonomike, si rrjedhim nuk ndihmon në verifikimin e realizimit të detyrave të njësisë ekonomike, nuk mund të evidentojë dhe parandalojë parregullsitë, shmangiet nga normat dhe kriteret e veprimtarisë ekonomike.

Në kuadër të funksionimit të kontrollit të brendshëm nga drejtuesit e Institucionit nuk janë hartuar një tërësi masash, procedurash dhe praktikash që zbatohen me qëllim që të mbrohet pasuria e institucionit. Zbatimi i rregullt i procedurave të kontrollit të brendshëm shërben për ti siguruar menaxherët se pasuria e njësisë është e mbrojtur, të dhënat e përpunuara në kontabilitet janë të besueshme.

**8.1. Rekomandimi:** - Nga Drejtimi i Drejtorisë Rajonale të AUIZNI-t Qarku Kukës të merren masat në kuadër të funksionimit të sistemit të kontrollit të brendshëm të përcaktojnë detyra lidhur me sistemet e kontabilitetit:

Në rrëthanat e kontrollit, duhet të përcaktohen qëndrimet e përgjithshme, faktorët kryesorë që ndikojnë në të si; Struktura organizative dhe mënyra e përcaktimit të autorizimeve dhe përgjegjësi; Sistemi i kontrollit i cili zbatohet nga drejtimi (kontrolli i brendshëm, politika e personelit, ndarja e detyrave);

Në veprimet kontrolluese duhet të përfshihen kryesisht politikat dhe veprimet që ndërmerren për arritjen e qëllimeve si; raportimin, pasqyrimin dhe harmonizimet; vërtetimin e saktësisë së evidencës kontabël; kontrollin e informatave nga sistemi kompjuterik, programet; analiza e llogarive sintetike dhe pasqyrave financiare; lejimi dhe kontrolli i dokumentacionit; krahasimi i të dhënave vetjake me ato të jashtme; krahasimi i rezultateve të inventarizimit të mjeteve monetare; krahasimi dhe analiza e rezultateve reale financiare.

*Në vijimësi*

**9. Gjetje nga auditimi:** Në Drejtorinë Rajonale të ALUIZNI-t Qarku Kukës, për periudhën objekt auditimi janë pajisur me leje legalizimit objektet, **pa u likuiduar parcelat ndërtimore për 523** objekte informale, veprime në zbatim VKM-në nr. 954, datë 25.11.2015 “Për përcaktimin e kriterëve, të procedurave dhe të formularit të lejes së legalizimit” i ndryshuar dhe VKM-në nr. 1095, datë 28.12.2015 “Për përcaktimin e rregullave të bashkërendimit të punës, ndërmjet ALUIZNI-t dhe ZQRPP-së, dhe të procedurave apo kufizimeve që zbatohen për efekt të regjistrimit të pasurive të legalizuara”. Për 523 objektet informale të pajisur me leje legalizimi nuk ka përfunduar procesi i legalizimit, nuk kanë dalë VKM-të për të likuiduar detyrimin e parcelave ndërtimore, duke zgjatur procesin e legalizimit jashtë afateve kohore veprime në kundërshtim me nenet 17 (pika 5) dhe 27 të ligjit nr. 9482, datë. 03.04.2006 me ndryshime; me pikën 8 të VKM nr. 280, datë 01.04.2015; Urdhri nr. 37 datë 19.01.2016 për “Matricën e procedurave dhe afateve kohore për shqyrtimin administrativ për legalizim”, pika 6 dhe 7, duke krijuar vonesa në likuidimin e tarifave të parcelave ndërtimore, për vlerën **84,987,500**, si e ardhur e munguar në buxhetin e shtetit.

**9.1. Rekomandim:** Drejtoria Rajonale ALUIZNI-t Qarku Kukës të marrë masa në ndjekje të ecurisë së procesit në Drejtorinë e Përgjithshme të ALUIZNI-t Tiranë të daljes së VKM-së, për kalimin e pronësisë dhe shpronësimin e ish pronarëve mbi mos daljen e VKM për legalizim.

*Në vijimësi*

**10. Gjetje nga auditimi:** Drejtoria Rajonale e ALUIZNI-t Qarku Kukës në marrjen e vendimeve “Për kualifikimin për legalizim të objektit informal”, ka vepruar në kundërshtim me ligjin nr. 9482, datë 03.04.2006, nenin 27 “Dokumentacioni tekniko-ligjor për legalizimin e objektit”, pika “ç” –*“vërtetimin për likuidimin e taksës së ndikimit në infrastrukturë për të gjitha rastet, kur subjekti nuk përjashtohet nga pagesa e taksës sipas këtij ligji dhe legjislacionit në fuqi”*, si dhe me VKM nr. 411, datë 19.05.2010 i ndryshuar “Për kriteret procedurat dhe tipin e formularit të lejes së legalizimit” -Kreu I, pikën 1,c ku përcaktohet –*“ c) për objektin/shtesën pa leje në ndërtime me leje është plotësuar dokumentacioni tekniko-ligjor, i parashikuar në nenet 27 e 37 të ligjit nr. 9482, datë 3.4.2006, të ndryshuar. Në kualifikimin e objekteve informale, ka dërguar*

pranë Bashkive të Qarkut Kukës, vetëm shkresën për llogaritjen e pagesës së taksës së ndikimit në infrastrukturë, pa marrë konfirmim mbi pagesën e saj për dalje me vendim kualifikimi, duke krijuar një **mungesë të ardhurash në buxhetin e shtetit në vlerën 29,919,892 lekë.**

**10.1. Rekomandimi:** Drejtoria Rajonale e ALUIZNI-t Qarku Kukës për nevoja të plotësimit të dokumentacionit tekniko-ligjor të objekteve me lejeve të legalizimit të lëshuara, t'i kërkojë Njësive të Vetëqeverisjes Vendore të Qarkut Kukës, vërtetimet mbi llogaritjen e likuidimit e Taksës së Ndikimit në Infrastrukturë në **vlerën prej 29,919,892lekë, si dhe të kërkojë ZVRPP Tropojë, e Kukës, për vendosjen e masës së kufizimit deri në arkëtimin e plotë të detyrimeve të papaguara.**

*Brenda muajit Shtator 2018*

Me ndjekjen dhe kontrollin e zbatimit të detyrave dhe masave të përcaktuara në këtë vendim ngarkohet Departamenti i Auditimit të Aseteve dhe Mjedisit.

**GR**

---

**Bujar LESKAJ**

**K R Y E T A R**